

戒行精專方可闡道依訣修行則成道登真矣鍊度亡者亦取此義而先傳戒給籙然後行鍊受鍊既畢萬法皆空一真獨露即超凌三界逍遙上清矣至於焚化經幡紙錢不過時俗取古者焚幣帛之義以表其誠心而鍊師亦因而假此凡火之光炎上之義助吾火鈴之光而升騰矣其超度之實不在是也倘鍊師不明此理視此可為幽冥之用則恐下品沉滯之魂不能自悟亦復執迷於此而不得超化矣如前後焚符籙則不可無蓋符者信也籙者籍也符籙為用取約信典籍之義也在昔龍漢祖劫梵清景三炁初分五文開廓元始上帝乃命天真按筆模寫其文結為雲篆於是分符章經道籍而成書上秘天宮下鎮海嶽中古而降天不愛道流傳人間故符籙為天之約信典籍而通乎鬼神者也原夫人極之始與元始分真隨劫輪轉雖身在天地之後而心在天地之先則天地自我出而我即元始也今書符之際法當頓息諸緣薦守真靜復三炁未分已前氣象至靜極

而動即提祖炁按筆成符是符也我之神炁所化而寓於榜墨間與天真按筆初意無殊是即天之約信典籍也人見其殊墨紙符也鬼神見之則為金書玉篆光燭幽陰以之告下冥司則鬼神敬奉以之濟拔沉滯則魂爽超度皆觀光明矣若未能深造此理但留心於紙上朱墨點畫之末固非祖師立法初意而吾亦無所取焉仙師詩云法行大道合先天呪訣符圖總是玄至道杳然無所得符圖呪訣也徒然善學之士能於天真未下筆以前究竟具正法眼豁然遇緣觸境妙用現前倒用橫拈無施不可則幾乎道矣嗣派末學趙宜真再拜敬書

道法會元卷之十七

五

十四

道法會元卷之十八

堅六

清微發遣儀

法事 淨口 淨身等呪

太虛無體淨穢皆空妄覺一生塵緣競起既非真境即是魔官是故行持先當蕩滌謹召九鳳玉華司破穢大將軍靈寶淨天淨地八方大力威神乾羅吞那洞罡太玄使者銅頭鐵面騎吏吞魔食鬼將軍五帝五龍神君西方太白童子華池真人蕩穢使者今年今日今時蕩穢局中仙吏本佩法籙治職仙靈當境土地里域正神本家司命主者千條六神各持符仗劍擲火流金布真氣於水中發祥光於壇上蕩除厭穢速化光明依應施行一如告命靈寶淨天地玄章衆當諷誦諷呪師焚破穢符在水盂中搗破穢訣日月訣布殺氣入盂中念呪洒淨密呪云唵耶鼠帝奴攝焚淨壇符嘿視云天無氛穢地絕妖塵冥慧洞清大聖玄玄師管目三匝壇場內外悉化光明切以行三光之神水天地無塵焚百和之真

香祥烟靄幾凡境化為仙境人心可格天心
將命旌麾先陳信禮

三信禮焚三信香嘿念心語三上香虛書
炁香符思香官使者金童玉女隨香氣騰
空上達師精思上帝師真在上諸司雷神

洋洋左右展壇三拜

啓師

稱職恭謹以信香稽首皈命再拜啓告

道經師寶元始萬神清微宗主真元妙化上
帝太初天君紫宸太華天帝玄中大法師三

天大聖師太極左宮仙公真君神功妙濟真
君僉書浮丘真君清微元上侍宸保仙元君
清微靈寶諸大師真恭望師慈降臨法會伏

此道香普同作供首祈師造俯鑒愚衷伏念
臣曩因慶幸叨佩法階誓濟生民宣揚道化

凡有投懇所合上聞入意如何施行以今未敢自尊

先伸啓告丐憐愚昧特賜提擲鑒領來棕上
聞帝陛旨命將吏顯助神功庶俾行持克臻
靈感臣下情不勝激切懇請之至命將施行

入香水文

伏聞道器殊名必貫通之有術神人異處可
感召以無方故取像於精微將達誠於沖漠
夫香者飛雲結篆明德惟馨陽炁上騰丹鼎
運元神之火回風混合玄關竄太素之煙非
草木臭味之擬倫宜天地神祇之來格行香

有偈寶號先吟 大聖香林定慧天尊

伏以仙境難通以香為信塵凡易濁非水不
清試將一滴之功盡肅十方之界夫水者北
方正炁天一真源玉液內潮甘露薰蒸於丹
谷金精上湧醴泉融泄於華池內施則吐故
納新外用則蕩瑕滌垢是謂乾坤之清炁能
除天地之穢氛教奉真科先吟聖號

大聖法澤流布天尊

蓋聞天高地迥一理貫通嶽峙川流百神森
列且感於人者體精神之流動而形於教者

必表奏以先容故我祖師立為宗範凡九壇
齋醮之儀短莫先於降真而三洞法錄之仙
靈必任以馳奏斯乃因迹求迹是為以神感
神今之日奉為修齋恭嚴潔壇場肅祇祀事
亦欲合天人於幽顯蓋將行典禮於會同惟

爾有靈體子克相號今出而靈響答神心運
而天機隨勿貳以二勿參以三當識此心之
融會不疾而速不行而至勉宜乃力以贊襄
欲現金光先揚神呪

衆諷金光呪師叩齒上香飛三台北斗蓋

頭左玉訣或雷局右劍訣又腰返聽收視

滅念定息良久即運神光上朝出大金○

睜目望巽方却密念召將心呪精息所差

雷神頂天履地赫然現前焚召將符下令

呪云

杳杳冥冥天地同生散則成炁聚則成形以
神馭炁以炁合神聞呼即至遇召即臨謹奉
真符恭伸召請當境土地黑域社令正神本
家司命主者千係六神監錢直醮香官運遞
神吏聞今召命速至壇庭

存至

向來關召今日當幡祇應受事傳令等神既
至奉到玉清總召萬靈符命合行宣示

宣玉清總召萬靈符畢法師念

玉清寶壘致付仙卿秉符執節召集天真三

界齊到萬神同欽天皇上帝梵炁流精金光
四集曷敢不臨汝若違今上有憲刑急準

玉清元始上帝敕

依法召將畢復書玉篆於巽上見諸將森
立其中聽令分明如對

向伸召請諸司官將法部吏兵既沐降臨各
請解騎下車依班執序少停儀衛以聽關宜
切以範圍天地之道具載齋科昭回雲漢之
章合先刺奏將感通於一瞬庶克享於多儀
酌仙醴以浮香初筵既秩開帝閣而駕景六

合非逸酒在若樽用陳初獻

再運真香供養諸司將吏法部功曹土地等
神切以出手震奔乎壘陰陽不測之謂神應
乎天順乎人來往無窮之謂聖適伸關召諒
賜感通奉到投詞合行宣示

當職領詞虔切理難抑違以今具錄事由飛
奏宸廷請頒恩命申牒三界真司照應施行
欲假通傳之力須憑酌獻之儀切以形而上
者之謂道妙莫能名聖不可知之謂神禮存
敬享既領宣行之職將騰敷奏之言望天闕

之開張聖凡有簡乘颺車而陟降上下無方
謹運丹衷酒陳二獻

切以官天地府萬物道所以尊潤風雨鼓雷
靈神無不在赫若仙科之善大哉神化之靈
我有封祿帝將省覽有煩傳奏庶副虔祈再

炷真香酒陳三獻

三獻已畢事不再陳壇有牒文請行宣示

宣關牒符詰

符公文宣告神聽必聰依應施行不得違悞
今三界內外帝令至尊法雷役電旋乾轉坤
一如帝令疾速奉行

飛丁罡目送將吏精思雷電轟烈騰雲而
去焚燎畢內視納息萬化寂然

道法會元卷之十八

道法會元卷之十九

堅七

玉宸鍊度請符簡儀

法事 上信香

伏以惟皇上帝與物為春哀此下民沛其天
澤臣侍玉皇香案親傳鳳篆龍章頒行則三
界承恩告下則九幽罷對茲伸請降先謹奏
闕門下具職奏啓

太上元極大道萬法之祖萬法之宗萬法之
師玉清聖境清微天宮元始法王至真天寶
上清真境禹餘天宮玉宸道君至真靈寶太
清仙境大赤天宮道德高尊至真神寶昊天
金闕玉皇大天尊玄穹高上帝南極勾陳上
官天皇帝北極紫微中天太皇大帝承天
效法后土皇地祇高上神霄玉清真王南極
長生大帝統天元聖天尊高上碧霄上清華
王東極青華大帝太乙救苦天尊高上丹霄
太清韓王好生韓君丈人朱陵度命天尊十
方靈寶天尊十方救苦天尊九天生神上帝
五方五老上帝天地人三皇上帝八極九霄
帝君東華木公上相西漢金母元君三十二